

Dhikri i hyrjes në shtëpi – Shejkh Abdur-Razzak el-Bedër

Burimi: **Kitabudh-dhikri ued-du'aai**

(1)

بِسْمِ اللَّهِ

Bismil-Lah

“Me Emrin e Allahut”¹

(2)

Nëse ka njerëz në shtëpi thua:

السَّلَامُ عَلَيْكُمْ

Es-selamu `alejkum

“Shpëtimi i Allahut qoftë mbi ju”

Nëse nuk ka njerëz në shtëpi thua:

السَّلَامُ عَلَيْنَا وَ عَلَى عِبَادِ اللَّهِ الصَّالِحِينَ

¹ Transmeton Xhabir ibn Abdil-Lah – radijAllahu ‘anhu – se e ka dëgjuar Pejgamberin – sal-IAllahu ‘alejhi ue sel-lem – duke thënë: **“Kur një njeri hyn në shtëpinë e tij dhe e përmend Allahun para se të hyjë dhe para se të hajë bukë, atëherë shejtani u thotë shejtanëve të tjerë: “Nuk ka strehim për ju në këtë shtëpi dhe as ushqim!” Ndërsa kur hyn në shtëpi dhe nuk e përmend Allahun, atëherë shejtani u thotë shejtanëve të tjerë: “E fituat strehimin!” Dhe nëse nuk e përmend Allahun as kur ushqehet, atëherë shejtani u thotë atyre: “E fituat strehimin dhe ushqimin!”** [Transmeton Muslim, 2018]

Es-Selamu `alejna ue `alaa `ibadil-Lahis-saalihiin

“Shpëtimi i Allahut qoftë mbi ne dhe mbi robërit e Tij të devotshëm”²

Përktheu: Servet Mata

² Transmeton Enes ibn Malik – radijAllahu ‘anhu – i cili thotë: Më tha mua i Dërguari i Allahut – sal-IAllahu ‘alejhi ue sel-lem –: **“O biri im, nëse hyn te njerëzit e shtëpisë tënde, jepu atyre salam, pasi që kjo do jetë begati për ty dhe për familjen tende!”** [Transmeton et-Tirmidhi, 2698]

Thotë Allahu në Kur`an:

فَإِذَا دَخَلْتُمْ بُيُوتًا فَسَلِّمُوا عَلَى أَنْفُسِكُمْ تَحِيَّةٌ مِّنْ عِنْدِ اللَّهِ مُبَارَكَةٌ طَيِّبَةٌ

“Dhe nëse hyni në ndonjë shtëpi (në shtëpinë tuaj apo në ndonjë shtëpi tjetër), atëherë përshëndetni banorët e saj me një përshëndetje që na e ka mësuar Allahu (Es-selamu alejkum), e cila është e bekuar dhe e mirë!” [En-nur, 61]